



CONVENIO DE COLABORACIÓN ENTRE A CONSELLERÍA DE CULTURA, EDUCACIÓN E ORDENACIÓN UNIVERSITARIA DA XUNTA DE GALICIA E O CONCELLO DE FERROL PARA A XESTIÓN DA BIBLIOTECA MUNICIPAL CENTRAL DE FERROL

Santiago de Compostela, de de 2016.

15 JUL.

COMPARECEN

Dunha parte, don Román Rodríguez González, conselleiro de Cultura, Educación e Ordenación Universitaria, que actúa en virtude das facultades atribuídas no artigo 34 da Lei 1/1983, do 22 de febreiro, reguladora da Xunta e da súa Presidencia, modificada pola Lei 11/1988, do 20 de outubro e pola Lei 12/2007, do 27 de xullo, de acordo co seu nomeamento polo Decreto 15/2015, do 9 de febreiro, e no uso das atribucións que lle confire o Decreto 4/2013, do 10 de xaneiro, publicado no DOG núm. 13, do 18 de xaneiro, no que se establece a estrutura orgánica da Consellería de Cultura, Educación e Ordenación Universitaria.

Doutra, don Jorge Suárez Fernández, en representación do Concello de Ferrol, na súa condición de alcalde-presidente do citado Concello segundo o disposto no artigo 61 da Lei 5/1997, da Administración Local de Galicia, do artigo 21 da lei 7/1985, do 2 de abril, reguladora das bases do réxime local e no artigo 24 do Real decreto legislativo 781/1986, do 18 de abril, do texto refundido das disposicións legais vixentes en materia de réxime local.

Ambas as partes interveñen en función dos seus respectivos cargos e no exercicio das súas facultades que para convir no nome das entidades que representan teñen conferidas e

EXPOÑEN

PRIMEIRO.- Que a Consellería de Cultura, Educación e Ordenación Universitaria é o órgano da administración da Comunidade Autónoma ao que lle corresponden as competencias e funcións en materia de promoción e difusión da cultura e, en concreto, das atribucións en materia de bibliotecas, segundo o establecido nos artigos 1 e 9 do Decreto 4/2013, do 10 de xaneiro, polo que se establece a súa estrutura orgánica. Dentro dese ámbito competencial, á Consellería, como órgano administrativo de dirección e coordinación do Sistema Galego de Bibliotecas, correspóndelle deseñar e planificar a política bibliotecaria da Comunidade Autónoma, así como a definición das súas prioridades (artigo 7 da Lei 5/2012, do 15 de xuño, de bibliotecas de Galicia).




SEGUNDO.- Que o Concello de Ferrol, en virtude do establecido na Lei 7/1985, de 2 de abril, reguladora das Bases del Réxime Local e da Lei 5/2012, do 15 de xuño, de bibliotecas de Galicia, ten a obriga de garantir o servizo bibliotecario axeitado á poboación a que serve. Desde o ano 1942 conta cunha Biblioteca Municipal Central, creada como Biblioteca Popular por Orde do Ministerio de Educación Nacional. O Concello ampliou os seus servizos bibliotecarios municipais nos anos 1987 e 1995 mediante a posta en funcionamento das bibliotecas municipais de Caranza e o Inferniño, como sucursais da biblioteca Central.

TERCEIRO.- Que a Biblioteca Municipal Central de Ferrol, de titularidade municipal, foi inscrita no Rexistro de Bibliotecas de Galicia no ano 1996, DOG núm. 120, do 19 de xuño de 1996 e integrada na Rede de Bibliotecas de Galicia mediante convenio asinado o 9 de maio de 2008.

Segundo este convenio o Concello de Ferrol comprométese a dotala de orzamento suficiente para o seu funcionamento (persoal, instalacións, mobiliario, equipamento e fondos bibliográficos).

A Consellería de Cultura, Educación e Ordenación Universitaria comprometeuse a prestar apoio técnico ao Concello para a contratación de persoal técnico, colaborar na súa formación, dotar á biblioteca central do programa de xestión bibliotecaria común e a incorporala aos servizos de catalogación centralizada.

Ao mesmo tempo, acordouse a colaboración entre as dúas institucións para acadar a interconectividade técnica e semántica, a participación no programa de préstamo interbibliotecario, e a colaboración na recuperación, conservación e dispoñibilidade pública do tesouro bibliográfico galego.



CUARTO.- A Biblioteca Municipal Central de Ferrol cumpre coas funcións que lle asigna a Lei de Bibliotecas de Galicia á categoría de bibliotecas centrais municipais: información bibliográfica, consulta en sala, préstamo a domicilio, hemeroteca, servizo de materiais sonoros e audiovisuais, sección infantil e xuvenil e sección local.

Conta con persoal suficiente para cubrir debidamente estes servizos e levar a cabo as tarefas técnicas correspondentes.

QUINTO.- A Lei 5/2012 de bibliotecas de Galicia crea a rede de bibliotecas públicas de Galicia, que se estrutura nunha serie de tipos de bibliotecas e de servizos bibliotecarios. O mapa de bibliotecas públicas de Galicia determinará, en función de criterios obxectivos, os tipos aos que se adscribe cada biblioteca da rede (artigo 13).

As bibliotecas centrais territoriais prestarán os servizos que a anterior lei lles outorgaba ás bibliotecas nodais: servizos bibliotecarios integrais ao territorio no que están asentadas, a coordinación e prestación dos servizos de asesoramento, préstamo interbibliotecario e soporte técnico á rede de bibliotecas de ámbito inferior (artigo 14.1).

Así mesmo, e por razóns de eficacia, as bibliotecas centrais territoriais tamén poderán encargarse, respecto das bibliotecas de ámbito inferior, daqueles aspectos materiais, técnicos ou de servizos propios da xestión bibliotecaria cando estas carezan de medios técnicos idóneos para o seu desempeño e así o soliciten as persoas titulares destas bibliotecas (artigo 14).

A Biblioteca Municipal Central de Ferrol achega servizos bibliotecarios a máis de 70.000 habitantes. Na actualidade presta todos os servizos que a Lei de Bibliotecas de Galicia lle asigna a unha biblioteca coa tipoloxía de biblioteca central territorial, aínda que deberá ser o Mapa de bibliotecas públicas de Galicia o que lle asigne formalmente esta categoría.

Tendo en conta que o Mapa de bibliotecas públicas de Galicia é un instrumento complexo que está en proceso de elaboración e que se prevé a súa aprobación a finais de ano, considérase necesario artellar un sistema de apoio ao labor bibliotecario que está a desenvolver esta biblioteca, que supera amplamente ao da súa tipoloxía actual, co obxecto de facer corresponder o financiamento da mellora das coleccións e das actividades de dinamización bibliotecaria que realiza a consellería coas outras 6 bibliotecas públicas das outras 6 cidades de Galicia, ás que a anterior Lei de Bibliotecas lles asignou a categoría de bibliotecas nodais, e que prestan servizos bibliotecarios integrais do seu territorio do mesmo xeito que o realiza a Biblioteca Municipal Central de Ferrol.

SEXTO.- Que ambas as administracións, asumindo as responsabilidades que legalmente lles corresponden na creación de recursos de lectura pública, consideran oportuno e de interese público xuntar esforzos e colaborar para garantir o acceso da cidadanía a un servizo bibliotecario público de calidade na cidade de Ferrol e a súa área de influencia nas mellores condicións técnicas posibles.

Por isto, para acadar unha maior eficacia na prestación dos servizos bibliotecarios que debe realizar na súa condición de cabeceira dunha rede bibliotecaria municipal singular por poboación e territorio que abrangue, dado o interese común das partes asinantes nas que teñen intereses coincidentes, é polo que asinan o presente convenio de colaboración de acordo coas seguintes,



CLÁUSULAS

PRIMEIRA.- OBXECTO

A través deste convenio establécense as condicións polas que se rexerá a colaboración entre a Consellería de Cultura, Educación e Ordenación Universitaria e o Concello de Ferrol para a mellora dos servizos bibliotecarios que presta a Biblioteca Municipal Central de Ferrol mediante o financiamento da actualización e diversificación da súa colección bibliográfica e documental e das actividades de dinamización bibliotecaria e documental.

SEGUNDA.- OBRIGAS DAS PARTES

Segundo establece a Lei de bibliotecas de Galicia, as persoas titulares ou, se é o caso, xestoras das bibliotecas públicas integradas na Rede de Bibliotecas de Galicia deberán dotalas das instalacións, do equipamento, do mobiliario, dos fondos, do persoal e dos orzamentos necesarios para o cumprimento eficaz das súas funcións e a satisfacción dos dereitos das persoas usuarias.

Neste marco de cooperación ambas as partes comprométense a:

1 O Concello de Ferrol:

- a) Proporcionar os servizos bibliotecarios adecuados para o cumprimento das funcións dunha biblioteca de ámbito territorial, tal e como se establece na normativa vixente en materia de bibliotecas (artigo 14 da Lei de Bibliotecas de Galicia). Para iso deberá contar co persoal técnico adecuado, unha colección permanentemente actualizada e diversificada que se axuste á demanda das bibliotecas de ámbito inferior e os seus usuarios e realizar actividades de fomento da lectura e dinamización bibliotecaria destinadas ao seu ámbito territorial.
- b) Coordinar e apoiar ás bibliotecas de ámbito inferior do seu territorio naqueles aspectos técnicos, materiais ou de servizo bibliotecario necesario para a correcta prestación do servizo bibliotecario cando estas adoezan de medios técnicos idóneos para o seu desempeño.
- c) A adquisición de fondos bibliográficos e documentais que sirvan para actualizar e diversificar a súa colección en todas as seccións, en especial aquelas de maior demanda por parte dos usuarios e usuarias e aquelas inexistentes en bibliotecas de ámbito inferior.
- d) Realizar actividades de dinamización bibliotecaria e documental destinadas a todos os públicos e ao longo de todo o ano natural, en especial naquelas datas de maior uso dos



servizos bibliotecarios (Nadal, vacacións escolares, etc.) e nas efemérides a que fai referencia o Calendario do Libro e da Lectura 2016.

- e) Ter cumprido o establecido no artigo 4.1 do Decreto 193/2011, do 6 de outubro, polo que se regulan as especialidades nas subvencións ás entidades locais galegas (DOG núm. 201 do 20 de outubro de 2011).

2 A Consellería de Cultura, Educación e Ordenación Universitaria:

- a) Dotar á biblioteca dos medios económicos que lle permitan ampliar, actualizar e diversificar a súa colección bibliográfica e documental.
- b) Dotar á biblioteca de medios económicos para a mellora das súas actividades de dinamización bibliotecaria e lectora.
- c) A incorporación desta biblioteca á fase inicial de implantación do novo programa de xestión bibliotecaria que se poña en funcionamento nas bibliotecas de xestión autonómica.

3 As partes asinantes deberán cumprir coas obrigas derivadas da entrada en vigor da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno aberto da Xunta de Galicia incluíndo os datos identificativos das persoas asinantes.

Así mesmo, a Federación de Libreiro de Galicia, acepta e consinte a remisión do convenio, logo da súa sinatura, ao Rexistro de Convenios da Xunta de Galicia.

De acordo co establecido no artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa, que introduciu diversas modificacións na Lei 38/2003, do 17 de novembro, xeral de subvencións, o contido deste convenio será publicado na Base de Datos Nacional de Subvencións, nos termos recollidos no artigo 20 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

Así mesmo, será obxecto de publicidade no Rexistro de Axudas, Subvencións e Convenios, ao abeiro do disposto no decreto 126/2006, do 20 de xullo e no decreto 132/2006, do 27 de xullo.



TERCEIRA.- ESTABLECEMENTO DUNHA COMISIÓN MIXTA DE SEGUIMIENTO

Para o bo desenvolvemento do obxecto deste convenio establecerase unha comisión mixta, integrada por representantes de cada unha das institucións á que corresponderá o seguimento, interpretación e avaliación das accións derivadas do presente convenio.

Por parte da Consellería actuará como representante o secretario xeral de Cultura ou persoa en quen delegue.

Por parte do Concello actuará como representante o alcalde do Concello de Ferrol ou persoa en quen delegue.

CUARTA.- FINANCIAMENTO

Para a realización das accións previstas neste convenio cun custo de OITENTA E SETE MIL EUROS (87.000€).

O CONCELLO DE FERROL achegará un total de CINCUENTA MIL EUROS (50.000€) para o que existe crédito axeitado e suficiente nas súas partidas orzamentarias, de acordo coa seguinte finalidade: :

- CUARENTA E SETE MIL EUROS (47.000 €) (IVE incluído) destinados á mellora das coleccións.
- TRES MIL EUROS (3.000 €) (IVE incluído) para a realización de actividades culturais de dinamización bibliotecaria.

A CONSELLERÍA contribuirá coa achega de TRINTA E SETE MIL EUROS (37.000 €) para o que existe crédito axeitado e suficiente na partida orzamentaria 10.20.432A.760.1, axudas a entidades locais para investimentos en bibliotecas, dos orzamentos xerais da Comunidade Autónoma de Galicia para o ano 2016, de acordo coa seguinte finalidade:

- TRINTA MIL EUROS (30.000 €) (IVE incluído), para a mellora da colección.
- SETE MIL EUROS (7.000 €) (IVE incluído), para a realización de actividades de dinamización bibliotecaria e cultural.

Como mínimo, un 25% do total do investimento realizado na mellora da colección, os fondos bibliográficos deberán estar en lingua galega.



O Concello de Ferrol achegará os medios materiais, recursos humanos e técnicos precisos para a selección, adquisición e difusión dos novos fondos entre os usuarios das súas bibliotecas, así como para a comunicación pública, a contratación e a realización das actividades de dinamización bibliotecaria e cultural.

Dita achega só cubrirá o custo da compra dos fondos e da realización das actividades, sen que o Concello de Ferrol poida obter beneficio algún polo mesmo.

Estas achegas son compatibles con outras subvencións, axudas, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou de organismos internacionais.

QUINTA.- XUSTIFICACIÓN

O Concello de Ferrol, logo da realización das actividades previstas no obxecto deste convenio, está obrigado a xustificar ante a Consellería o cumprimento da finalidade deste convenio e o seu custo real mediante a presentación dunha conta xustificativa, tal e como establece o artigo 8 e seguintes do Decreto 193/2011.

A CONSELLERÍA, unha vez finalizadas as actividades proxectadas e entregada a mencionada conta, realizará o libramento da cantidade establecida nesta cláusula, logo da presentación das facturas que xustifiquen os gastos realizados para a consecución deste proxecto, ordenadas segundo o concepto de gasto a que se atribúen, acompañadas da correspondente certificación dos gastos, aos efectos desta xustificación consideraranse os gastos realizados durante o ano 2016 que respondan á natureza da actividade realizada.

O Concello de Ferrol poderá facer as xustificacións ao remate de cada actividade, segundo os importes que aparecen recollidos na memoria económica que presenta a dita entidade; neste caso o Concello deberá achegar a conta xustificativa das actuacións realizadas na devandita actividade, así como as facturas que xustifiquen os gastos realizados, ordenadas segundo o concepto de gasto a que se atribúen.

Se o importe dos gastos xustificados fose inferior ao importe do orzamento total previsto para a realización das actividades que constitúen o obxecto do convenio, e que se recolle na memoria económica que se achega co presente convenio, as achegas das partes convenientes reduciranse proporcionalmente.

Esta cantidade farase efectiva na conta corrente que indique o Concello, da que será titular, achegándoa na xustificación dos gastos.





O Concello deberá acreditar estar ao corrente do pago das obrigas tributarias, estatais, autonómicas e da Seguridade Social, e someterse ás accións de comprobación que realice a Xunta de Galicia, así como prestar colaboración nas actuacións de control que lle poidan corresponder á Intervención Xeral da Comunidade Autónoma de Galicia e ao Consello de Contas de Galicia.

O concello deberá acreditar o cumprimento do deber de remisión ao Consello de Contas das contas xerais do exercicio 2015, de acordo coas previsións do artigo 4º.1 do Decreto 193/2011, do 6 de outubro, polo que se regulan especialidade nas subvencións ás Entidade Locais Galegas (DOG do 20/10/2011).

O prazo para xustificar as actividades obxecto do convenio remata o 31 de outubro do 2016.

SEXTA.- DIFUSIÓN PÚBLICA

A partes deberán coordinar as accións de comunicación e de difusión pública (roldas de prensa, notas informativas, actos de inauguración e clausura etc.) que leven a cabo arredor da Biblioteca Municipal Central de Ferrol.

SÉTIMA.- PARTICIPACIÓN DOS COLABORADORES

O asinamento deste convenio non implica relación laboral, contractual ou de calquera outra índole entre os profesionais que vaian desenvolver as actividades previstas e a Consellería, de tal xeito que a esta non se lle poderá esixir responsabilidade ningunha, nin directa nin subsidiaria, polos actos ou feitos acaecidos no desenvolvemento do convenio.

OITAVA.- MODIFICACIÓN, DENUNCIA E RESCISIÓN DO CONVENIO

As partes poderán denunciar ou modificar o presente convenio en calquera momento por acordo mutuo.

O incumprimento de calquera das obrigas contraídas no presente convenio por unha das partes facultará á outra para rescindir o mesmo, quedando automaticamente anulados todos os dereitos correspondentes sobre o obxecto do programa de colaboración conxunta, pero non así as obrigas contraídas no mesmo.



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA

galicia

A rescisión deste convenio requirirá a petición expresa e razoada dunha das partes, a notificación por escrito á outra parte cun mes de antelación, como mínimo, á data proposta para poñerlle fin ao convenio.

O acordo de rescisión determinará a liquidación dos bens mobles da biblioteca e a propiedade de cada un deles.

DÉCIMA.- VIXENCIA DO CONVENIO

A vixencia do presente convenio remata o 31 de outubro de 2.016.

DÉCIMO PRIMEIRA.- XURISDICCIÓN

As partes comprométense a resolver de maneira amigable calquera desacordo que poida xurdir no desenvolvemento deste convenio.

No seu caso, as partes someterán as diverxencias que puideran presentarse en orde á interpretación ou cumprimento do presente convenio á xurisdición contencioso-administrativa.

E en proba de conformidade de canto antecede, asinan por duplicado o presente documento no lugar e data arriba indicados.

Pola Consellería de Cultura, Educación e
Ordenación Universitaria



Román Rodríguez González

Polo Concello de Ferrol



Jorge Suárez Fernández